



www.BibleForChildren.org


Matew 8



Ti m', jati hawät hadoo hã, panang Kanah häd näng
doo bä, Garirej häj n'aa bä, ramoo bong ket'ëë do jäm
waa n'aa, ta tä n'aa. Jesus yñ awät tii bä, raket'ëë do
jäm noo gó. Jesus, ta ma matëg sii hẽ, rabats'yyt jām
hẽnh.



Ti bahãnh, tabahëëj jëng uwa bëëh hejoonh doo. Ti m' Jesus ãñn ky hadoo Jesus hã: —Ahëëj jëng uwa bëëh hejoonh doo —nãng mã Jesus ãñn. Tii bã m', ta ti tób yt moo bo n'aa hã m' Jesus ãñn ky hadoo: —Bë moo boo da sahõnh hë bë tamejũũ doo —nãng mã ta ãñn kyyh sa hã.



Ti m', tii b' moo heb'ooh do sa hã Jesus ky
hadoo: —Bë gedu bëh naëng ta hood gó
—näng mä Jesus. Ti m' ragedu bëëh
sahõnh hẽ. Ti m' Jesus ky hadoo sa hã:
—Bë agób ta uuh. Bë mahũũm jãm kaser
n'aa wë —näng mä ta kyyh. Ti
m' ramahũũm kãn ta wë
ta uuh.



Ti m' jām kaser n'aa tameëëk naëng paah, uwa bëëh
hejooj dāk doo. Doo tahapëë bā n'yy hēnh naa tii.


Tii bā moo heb'oooh doo, ti
rahapāh ta tii. Ti m' dawë
hā aj'yy katëë do
tanaëënh, ti taky hadoo
ta hā: —Pooj jé ji heno
uwa bëëh hejoonh do
baad hadoo doo.



Ta jawén, baad rabeëg bong bä kä, rahãd kanahapëë
bong bä kä, ji heno baad nadoo doo. Õm tii, dooh tii d'
madoo bä. Menyyw hõm
baad had'op do tagadëëg
ub —näng mä ta kaser
n'aa kyyh aj'yy katëë
do hã.





Pooj já Jesus du doo do tapahuunh do ta tii. Ta tii hã
kã tametã kãn tak'ëp hadoo do ta
hejój, ti hyb n'aa ta ma matëg
ta hã rah'yy kae padäg kãn.
Panang Kanah häd näng
doo bä, Garirej häj n'aa
bä ti ta tii.



Ti m' Peed tób bã Jesus bajëë suun
bã, tahapäh mä Peed mayyn
hasooh doo. Oom ta hã.



Ti m' Peed mayyn moo hã tamoo däng, ti m' nayyw hẽ
oom keréd hõm. Ti m' tabas'ëëg gëët, ti m' tamoo wäd
däk Jesus waa.



Tug bä kä, papỹỹj badëë hyng jawén paa bä,
Kapar-Naũm buuj ramenaa sahõnh hẽ nahëë enäh
doo, karap'aar h'yyb
nesaa do pahadëëk do
sii hẽ. Hajõk
Kapar-Naũm buuj kata
padëëk Simaw tób
w'oo hã, Jesus yt
gä do w'oo hã.



Hajõk mä sa nahëë Jesus hahëën hõm. Hajõõ m'
nahëëh. Hajõng mä karap'aar h'yyb nesaa do tahebëë
bong mera do sa hã hanäng doo. Dooch m' Jesus
an'oo bä karap'aar h'yyb nesaa do rer'ood bä, rahapäh
do hyb n'aa, Jesus P'op Hagä Do T'aah né hë.




P'op Hagä Do anoo ta hejóĵ tabahajaa hyb n'aa sahõnh
hẽ sa nahëë tasog hõm hyb n'aa. Ti hyb n'aa m'
sahõnh hẽ rakarẽn mä ta hã ramoo kajäk.



Ti m' ji meheet pé ajyy ramanaa mä nahëë
näng doo, nawät doo, ratóg nä ta tyng jó.



Du daa m' rakad'oo pé ramajë suun
paawä m' Jesus wë, gatag'uu däk do
hyb n'aa m' hajõk doo. Ti m'
p'op ramasäk. Ratyw n'aa
gas'ëës mä Jesus bagëët
nemuun. Ti m' ramahy
kän Jesus wë
kä ta tyng jó.



Ti m' Jesus h'yyb hapäh bä m' hat'ook do rah'yy ka'eeh
do ta hã, taky hadoo nawät
do hã: —Tah yÿ, nesaa
do a h'yyb tym gó hanäng
do kado hõm
—näng mäh.
—As'ëëg g'ëëd,
mado däg a tyng,
ahõm kä a tób
hënh —näng mä
Jesus ta hã.




Tii kä, Jesus gatsëg so kăn marakate gó, karaj'aa
tamyyj jé rabatsëg hõm hyb n'aa.


Ta sii m' ta ma matëg ragatsëg
tooj kăn. Ti m' nayyw hẽ m'
bah'ood bana kăn tak'ëp.

Tewëëp mä maadaka.

Marakate m' tetaa m'. P'eets
mä marakate bagyyb
jëë paawä. Jesus mä
aã sooh ti nuuj jé.



Ti m' taky hadoo sa hã: —Hëd n'aa tak'ëp bë beỹỹm?
Kanhën d'os hẽ ub h'yy ka'eeh do bëëh! —näng mäh.
Ti m' tabas'ëëg gëët, ti m' bah'ood, maadaka
tameduuk. Ti m' bah'ood badoo wät. Badatih däk mäh.
Ti m' tak'ëp rameuuj bong bä m'
raky hadoo: —Ny hadoo do
aj'yy ti hỹỹ eh?
Bah'ood, maadaka sii
hẽ raky daheeh! —näk
mä sa kyyh.



Tak'ëp badäk hahỹỹ hã habong do P'op
Hagä Do kamahãn. Ti hyb n'aa taban'oo
däg kãn sét hadoo do ta T'aah, sahõnh hẽ
ta hã h'yy ka'eeh do tabanesaa hẽnh
ranahõm hyb n'aa, rabadëb had'yyt
hyb n'aa hỹ pong jé P'op
Hagä Do pa kä.



Roma 3:23

Sahõnh hẽ né hẽ ramoo boo däk nesaa doo. Dawëë sahõnh hẽ rababoo däk tak'ëp baad hadoo do mahãnh, sa hã P'op Hagä Do anoo do paawä.

Roma 6:23

Banesaa hẽnh, dawëë P'op Hagä Do mahãnh ji h'yyb tym bawäd had'yyt hẽ, baad nadoo do ji moo wät do sãm. Tii d' nado ji matym n'aa P'op Hagä Do ji hã tanoo doo. Hỹ pong jé, ta pa had'yyt hẽ ji bawät P'op Hagä Do an'oo bä, ër wahë n'aa Kristo Jesus hã ër h'yy kata däk do hyb n'aa.

Eberew 9:27

Sahõnh hẽ ji, sét nuu me né hẽ ji dajëp. Ji dajëp jawén paa bä kä P'op Hagä Do ky däng da nyy da ji tabad'oo, baad tado bä, baad tanado bä.



Epeso 2:8,9

Jããm hẽ bẽ hã taky enyym do hyb n'aa bẽ tedëëb wät nesaa do mahãnh, bẽ h'yy ka'eeh do hyb n'aa ta hã. Dooh bẽ hanaa tado bã tii. P'op Hagä Do anoo tii, ji matym n'aa hadoo. Dooh baad hadoo do ji moo wät do hyb n'aa ji tawén ed'ëëp, ji daaj hẽ ji hã hẽ ji h'yy kasabé mahãnh.

Roma 10:9,10

Hahỹỹ da ãã panäk sahõnh hã: T'õp, a h'yyb gó naa ta wób ramaa napäh bã, “Jesus né hẽ Tak'ëp Hyb N'aa Jawyk Doo”, manoo bã, dejëp do mahang ganä wät P'op Hagä Do an'oo bã baad a h'yyb gó maky dahé bã na-ããj hẽ, tii bã õm da P'op Hagä Do ed'ëëp nesaa do mahãnh, õm da ted'ëëp ta wë. Ji tawén ed'ëëp, ji h'yyb gó né hẽ ji ky daheeh do hyb n'aa baad ji bahado däk hyb n'aa P'op Hagä Do matym gó. Ji tawén ed'ëëp na-ããj hẽ, ji noo me ji her'oot do hyb n'aa, “Jesus né hẽ Tak'ëp Hyb N'aa Jawyk Doo.”



Jowãw 3:16,17

Tak'ëp badäk hahỹỹ hã habong do P'op Hagä Do kamahãn. Ti hyb n'aa taban'oo däg kãn sét hadoo do ta T'aah, sahõnh hẽ ta hã h'yy ka'eeh do tabanesaa hẽnh ranahõm hyb n'aa, rabadëb had'yyt hyb n'aa hỹ pong jé P'op Hagä Do pa kä. Taky n'aa etyy hyb n'aa nado nesaa do sa hã P'op Hagä Do wén mejõ hyng ta T'aah badäk hahỹỹ bä. Tawén mejõ hyng, ta hã rabadëp hyb n'aa nesaa do mahãnh —näng mã Jesus kyyh.



1 Jowãw 5:11-13

Hahỹỹ da ta T'aah ky n'aa P'op Hagä Do metëëh ji hã: Ta T'aah hyb n'aa ji h'yyb tym tabed'ëëp, hỹ pong jé ta sii ji awäd had'yyt hẽ hyb n'aa. P'op Hagä Do T'aah gadoo do ta h'yyb tym gó, hỹ pong jé had'yyt hẽ tabawäd däk da P'op Hagä Do sii. Ta T'aah ganadoo doo, dooh né hẽ tagado bä edëb had'yyt do P'op Hagä Do pa. Ỹ wén ma erii wät hahỹ bë hã, P'op Hagä Do T'aah hã h'yy ka'eeh doo, edëb had'yyt do bë gado däk né hẽ, baad bë bahapäh hyb n'aa.



Matew 8-9; Maah-Ko 1-2, 4; Rukas 4, 8; Jowãw 2

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: E. Frischbutter, Sarah S.

Nadeb NT (mbj) © 2011, Wycliffe Bible Translators, Inc.
All rights reserved.

<https://www.bible.com/bible/452/MAT.1.MBJ>

©2026 Bible for Children, Inc.

www.M1914.org

www.bibleforchildren.org

